

Rabius anavon

Statuts per l'uniun

1. Num e sedia

Sut il num *Rabius anavon* exista in'uniun tenor ils artechels 60ss CCS cun sedia a Rabius.

2. Finamira ed intent dall'uniun

La finamira dall'uniun ei:

- a) da tgirar e promover la cuminonza dil vitg
- b) d'inoltrar propostas d'elecziun, giavischs da preventiv, iniziativas e petiziuns generalas per mauns dils organs da vischnaunca
- c) da promover il svilup dil vitg e la veta sociala e culturala da quel
- d) da tgirar il maletg e la cuntrada en ed entuorn il vitg

L'uniun intenziunescha da contonscher sia finamira ord atgna activitad en collaboraziun cun las

uniuns dil vitg, autras instituziuns ni iniziativas privatas.

3. Commembradi

Commembers dall'uniun san persunas naturalas e giuridicas (uniuns, fundaziuns e fatschentas) daventar. Il commembradi vegn acquistaus cun conclus dalla radunonza generala e termine-scha cun la declaronza d'extrada sin la fin digl onn calendari, cun la mort, cun la dissoluziun ni cun la decisiun d'exclauder, la quala ei prida dalla radunonza generala muort motivs gravionts.

4. Inventari

Cun la dissoluziun dil vischinadi da Rabius e dallas uniuns reunidas da Rabius surpren l'uniun lur inventari existent che secumpona ord: measas e suppias, podiums

e scalas dalla sala ed igl entir inventar dalla cuschina nova. La lubientscha e la taxa da diever digl inventari surdat la suprastonza dall'uniun.

5. Organs dall'uniun

Ils organs dall'uniun ein:

- a) la radunonza generala
- b) la suprastonza
- c) il post da revisiun
- d) il/ils responsabel/s digl inventari

6. Radunonza generala

La radunonza generala deliberescha per regla las suandontas fatschentas:

- a) eleger la suprastonza ed ils revisurs
- b) approbar il protocol dalla

- radunonza generala
- c) deliberar ed approbar il rendaquen annual
- d) fixar las contribuziuns annualas
- e) votaziun dallas mutaziuns da commembers
- f) decretar ni midar statuts
- g) approbar il program da lavur

7. Convocaziun

La radunonza generala vegn clamada dalla suprastonza ina gada per onn sil pli tard il davos dil meins da mars. Ils commembers vegnan envidai alla radunonza silmeins 10 dis ordavon cun sriver, e-mail ni auters mieds da publicaziun cun aschuntar la gliesta da tractandas ed il protocol dalla davosa radunonza generala. Scadina radunonza convocada ei cumpetenta da decider.

Radunonzas extraordinarias san vegnir convocadas tenor basegns entras la suprastonza ni entras minimum 15 vuschs. Il motiv per la radunonza extraordinaria ha da daventar a scret indicont il motiv dalla tractanda.

8. La suprastonza

La suprastonza secumpona dil president, digl actuar, dil cassier e da 2 assessurs. Il temps d'uffeci munta a 2 onns ed els ein re-elegibels.

- a) Il president meina l'uniun, las radunonzas e liquidescha la gestiun da mintgadi.
- b) Igl actuar redegia ils protocols dallas radunonzas e sedutas e funcziunescha sco vice-president.
- c) Il cassier meina il quen ed incassescha las contribuziuns.

El presenta quel alla radunonza generala.

- d) Ils assessurs stattan cun plaid e cussegl a disposiziun e san surprender lavurs adossadas ad els.

9. Incumbensas e cumpetenzas dalla suprastonza

La suprastonza ha las suandontas incumbensas e cumpetenzas:

- a) direenziun dalla gestiun dall'uniun e representaziun anoviars
- b) clamar e menar la radunonza generala
- c) preparar ed organisar il program da lavur
- d) administraziun dalla facultad dall'uniun

La suprastonza ha la cumpetenza da tuttas fatschentas ch'eiin buca

menziunadas en artechel 6 ni ch'eiin buca adossadas expressivamein ad in auter organ. La suprastonza sa surdar singuls pensums ni incaricas ad auters commembers ni engaschar gruppas da lavur cun incumbensas specialas. L'uniun s'oblighescha entras sutta-scripziun collectiva dil president e dil cassier ni dil president e digl actuar. La suprastonza ha la cumpetenza da disponer sur da francs 3000 per onn. Ella sa organisar e financiar occurrenzas e fiastas ch'eiin egl interess dall'uniun. La suprastonza decida en atgna cumpetenza sur dils basegns dalle fatschentas.

10. Convocaziun a sedutas da suprastonza

Las sedutas da suprastonza vegnan convocadas dil president. Vegn il president buca suenter

a quell'obligaziun, san ils auters commembers da suprastonza clamar tala. La suprastonza ei habla da decider, sch'il pli dils commembers da tala ei presents. Per conclus dalla suprastonza vala il principi da collegialitad.

11. Post da revisiun

Il post da revisiun secumpona da dus revisurs da quen. Quels procuran la revisiun dil quen annual e stattan cun plaid e cussegl a disposiziun alla suprastonza. Il temps d'uffeci munta a dus onns ed els ein reelegibels.

12. Il/ils responsabel/s digl inventari

Il/ils responsabel/s digl inventari ha/n la survegionza e la responsablada digl inventari dall'uniun. Il schubergiar la cuschina vegn

surpriu dall'uniun organisonta sut survegionza dil/s responsabel/s digl inventari. Donnscaschunai vid indrezs ein d'annunziar immediat ad el/els e da surprender dall'uniun organisonta. La lubientscha per astgar far diever da suranumnau inventari dat la suprastonza dall'uniun che fixescha era la taxa da diever.

13. Gestiun finanziala

Las expensas dall'uniun vegnan cuvretgas cun:

- a) contribuziuns dils commembers
- b) entras incasso pil diever digl inventari da tiarzas pesunas
- c) donaziuns da sponsurs ed ulteriur recav

Igl onn da gestiun ei identics cugl onn calendari.

14. Indemnisaziun

Ils organs dall'uniun retscheivan ina indemnisaziun per cuvierer lur spensas ch'ein stipuladas en in reglament separau.

15. Votaziuns ed elecziuns

Votaziuns ed elecziuns succedan per regla cun maun-pi num ch'ei vegni pretendiu scrutini. Tier votaziuns decida igl absolut pli e tier elecziuns il relativ pli. Uniuns, fundaziuns, instituziuns e fatschentas obtegnan mintgamai 5 vuschs e personas singulas mintgamai 1 vusch. Hosps envidai alla radunonza han negin dretg da vuschar.

16. Eguualitad dallas schlatteinas

Scadinas funcziuns, nominaziuns ed indicaziuns da personas en

quests statuts serefereschon sin omisduas schlatteinas.

17. Midadas dils statuts

Midada dils statuts san succeder entras $\frac{2}{3}$ dallas vuschs dils commembers ch'ein presents alla radunonza generala. Giavischs per midadas da statuts ston vegnir inoltra alla suprastonza entochen la fin digl onn calendari.

18. Dissoluziun dall'uniun

La dissoluziun dall'uniun sa vegnir decidida sche $\frac{3}{4}$ dallas vuschs dils commembers presents alla radunonza generala giavischan quei. Davart la facultad ed inventari decida quella radunonza.

19. Vigur dils statuts

Ils statuts vertents ein vegni approbai tier la radunonza da fundaziun dis 22 da november 2019 e passan en vigur cuagl 1. da schaner 2020.

Linus Maissen
actuar e vicepresidente
dil vischinadi da Rabius

Diego Deplazes
cassier dil vischinadi da Rabius

Gion B. Cajacob
president dallas uniuns reunidas Rabius

Torino Maissen
cassier dallas uniuns reunidas Rabius

Martina Berther
presidenta dalla soc. da musica Surrein-Rabius

